

Ĉio venas de l'nenio

Vortoj kaj muziko de
Ĵomart Amzeev

Se vi sidas en silento
Kaj trankvilas via spiro
Malrapide flugas pensoj
Kaj nenien vi rapidas
 Fermu la okulojn viajn
 Lasu sentojn liberiĝi
 kaj komprenu
 Ĉio venas de l'nenio
 Kaj foriras al malpleno.

Kiam foje vi laciĝos
De la kampo por prospero
Kaj post longa peza tago
Vi meditos pri libero
 Prenu manon en la mano
 Kaj aŭskultu la animon
 kaj komprenu
 Ĉio venas de l'nenio
 Kaj foriras al malpleno.

Eble venos la momento
Kiam lasos vin espero
Kaj la vivo perdos sencon
Ĉio estos nur ĥimero
 Simple sidu en silento
 Trankviligu vian spiron
 kaj komprenu
 Ĉio venas de l'nenio
 Kaj foriras al malpleno.